



**UPUTSTVO ZA IZRADU SEMINARSKOG RADA ZA STUDENTE
UNIVERZITETA U TRAVNIKU**

Mart 2011.

U skladu sa članom 26. Statuta Univerziteta u Travniku Senat Univerziteta u Travniku, na svojoj sjednici održanoj dana 28.03.2011. godine, donio je

UPUTSTVO ZA IZRADU SEMINARSKOG RADA NA UNIVERZITETU U TRAVNIKU

I OPĆE ODREDBE

Član 1.

Seminarski rad je samostalan rad u kojem student obrađuje odabranu temu uz konsultacije sa predmetnim nastavnikom, pri čemu do izražaja dolazi teorijsko i praktično znanje kao i sposobnost studenta da se služi aktualnom domaćom i stranom literaturom, te pretraživanje različitih baza podataka na internetu.

Pisanjem seminarskog rada proširuje se i produbljuje znanje iz sadržaja nastavnog programa izabranog kolegija te stječe iskustvo u pisanju stručnih radova

U načelu, tema seminarskog rada bira se iz predmeta prema želji studenta, uz pretpostavku da je izabrani predmet slušao u prvoj godini studija ili ga, pak, sluša u tekućem semestru godine studija koju pohađa.

II IZRADA SEMINARSKOG RADA

Član 2.

Nakon što izabere predmet, iz područja kojeg želi braniti seminarski rad, student predlaže radni naslov i strukturu seminarskog rada predmetnom nastavniku, na njegovim redovnim konsultacijama.

Također, poželjno je da student navede i popis već proučene literature, te druge izvore podataka koje namjerava koristiti pri obradi teme i izradi rada.

Član 3.

Predmetni nastavnik odobrava konačnu temu seminarskog rada, te zajedno sa studentom, definira precizan sadržaj i strukturu rada. Tokom izrade seminarskog rada studentu, u vrijeme dogovorenih konsultacija, predmetni nastavnik stoji na raspolaganju za sve eventualne nejasnoće, sugestije oko pisanja rada te savjete oko dodatnih izvora literature. Konačna verzija seminarskog rada predaje se uvezana u pisanom obliku I nakon odbrane, pohranjuje se u biblioteci Univerziteta.

Član 4.

Konačnu ocjenu u Indeks studentima upisuje izabrani predmetni nastavnik, temeljem ispunjene studentske prijave sa upisanom temom seminarskog rada i nastavnim predmetom.

II.a. Struktura rada

Član 5.

Prvo poglavlje sadrži uvodno razmatranje.

Drugo poglavlje (jedno ili više) – glavni dio sadrži aspekte obrade problema, prikupljanja i analize podataka uz primjenu odgovarajućih naučnih metoda/tehnika/metodologija, softverskih alata, te komparacija sa ostalim relevantnim istraživanjima.

Spisak korištene literature.

Prilozi

II.b. Obim rada

Član 6.

Seminarski rad treba da bude obima 10 do 20 strana, ne uključujući popis literature i priloge.

II.c. Tehnička obrada rada

Član 7.

Seminarski rad treba da bude korektno jezički, stilski i tehnički oblikovan .

Prikazi, slike, tabele i dijagrami kao sredstvo vizuelnog prikaza se mogu koristiti u pojašnjanju i ilustraciji teksta rada.

Rad se uvezuje u spiralni uvez sa obaveznom naslovnom stranicom koja sadrži: logo Univerziteta u Travniku, naziv Univerziteta (Times New Roman, 14), naziv i sjedište organizacione jedinice - Fakulteta (Times New Roman, 14), odsjek/smjer (Times New Roman, 14), tačan naziv teme rada (Times New Roman, 16), ime i prezime mentora (Times New Roman, 14), ime i prezime kandidata (Times New Roman, 14), broj indeksa kandidata (Times New Roman, 14), te datum i mjesto predaje rada (Times New Roman, 12).

Poslije prve unutrašnje stranice slijedi sadržaj seminarskog rada i originalni konačni tekst rada.

Sadržaj treba biti pregledan i poglavlja postavljena određenim i konzistentnim redoslijedom, sa jasno naznačenim naslovima, međunaslovima i poglavljima koji trebaju svojom numeracijom izražavati logičku konzistenciju rada.

Citiranje se vrši prema općevažecim akademskim normama. Kandidat može koristiti harvardski ili kontinentalno-europski (Chicago Manual of Style) način citiranja .

Korištena literatura-bibliografija se treba navoditi prema općevažecim akademskim normama.

Seminarski rad se radi u 2 primjerka a prije uvezivanja i predaje mentor svojim potpisom daje saglasnost.

Rad treba biti tehnički uređen na sljedeći način:

Naslovi poglavlja	Times New Roman	12 pt.	Naglašeno-Bold
Naslovi potpoglavlja	Times New Roman	12 pt.	Kurziv- ukoso-italic
Opći tekst	Times New Roman	12 pt.	1,5 prored, Justify (obostrano poravnanje teksta)
Izdvajanje	Times New Roman	12 pt.	Kurziv-ukoso-italic
Fusnota	Times New Roman	10 pt.	1 prored, justify (obostrano poravnanje teksta), uvučen 0,5 cm
Literatura – bibliografija	Times New Roman	12 pt.	1 prored, justify (obostrano poravnanje teksta), uvučeno 1 cm
Broj stranica	Times New Roman	12 pt.	Dolje desno

Margine teksta: gornja 2cm; donja: 2cm; lijeva 2,5cm; desna 2 cm.

Tekst, sadržaj, naslovi i podnaslovi, citiranje, fusnote i spisak literature moraju biti crne boje. Prije svakog naslova i podnaslova trebaju biti dva slobodna reda, a nakon svakog naslova (a prije teksta) jedan slobodan red.

III. PREZENTACIJA, ODBRANA I OCJENA RADA

Član 9.

Student usmeno brani urađeni seminarski rad u sklopu redovnih predavanja ili vježbi predviđenih nastavnim planom i programom.

Član 10.

Seminarski rad se ocjenjuje opisnom ocjenom “uspješno odbranjen”, “prihvaćen”, “ispunio obaveze” ili drugim odgovarajućim opisom koji daje naznaku o rezultatu izrade i odbrane rada.

PRILOZI

PRILOG br. 1 – NASLOVNA STRANICA RADA



UNIVERZITET U TRAVNIKU

(naziv i sjedište organizacione jedinice)

ODSJEK/SMJER _____

----- (**NASLOV SEMINARSKOG RADA**) -----
-seminarski rad-

Kandidat
(Prezime i ime)

Broj indeksa:

Mentor
(Prezime i ime)

Mjesto, mjesec i godina

PRILOG br.2 – SADRŽAJ RADA

SADRŽAJ

I Uvod

II Prvi dio

Naslov prvog dijela

1. Prvi odjeljak prvog dijela
2. Drugi odjeljak prvog dijela
3. Treći odjeljak prvog dijela,...

III Drugi dio

Naslov drugog dijela

4. Prvi odjeljak drugog dijela
5. Drugi odjeljak drugog dijela
6. Treći odjeljak drugog dijela,...

IV Treći dio

Naslov trećeg dijela

7. Prvi odjeljak trećeg dijela
8. Drugi odjeljak trećeg dijela
9. Treći odjeljak trećeg dijela,...

Zaključak

Skraćenice

Popis tabela, dijagrama, histograma, skica, grafikona, karti, fotografija, šema, slika itd.

Prilozi

PRILOG br. 3 - CITIRANJE

CITIRANJE U TEKSTU (harvardski način citiranja):

daju se skraćene informacije o referenci: autor, godina i stranica u samom tekstu.

“tekst tekst tekst” (autor godina: str.) tekst tekst.

[npr. (Filipović, 2004 : 16)]

“tekst tekst tekst” (autor i autor godina: str.) tekst.

[npr. (Filipović, 2000 : 3)]

Primjer: U pogledu nauke i ljudskog mišljenja „Mišljenje je najviši psihički proces i djelatnost koja se javlja u svijetu“. (Filipović, 2004 : 35).

CITIRANJE U FUSNOTAMA (kontinentalno-europski način citiranja):

daju se komplete bibliografske informacije za svako djelo u fusnoti.

“tekst tekst tekst” *FUSNOTA* tekst tekst.

[npr. 1 Filipović, Muhamed 2004, Metodologija znanosti i znanstvenog rada, Svjetlost, Sarajevo, str. 35.]

Primjer:

U pogledu nauke i ljudskog mišljenja „Mišljenje je najviši psihički proces i djelatnost koja se javlja u svijetu“ 1Filipović, Muhamed, Metodologija znanosti i znanstvenog rada, Svjetlost, Sarajevo, str. 35.

PRILOG br. 4 - LITERATURA

LITERATURA TREBA:

Biti alfabetski poredana po prezimenu autora

Kod istog autora poredati djela po godini izdanja, te ako ima više djela istog autora u jednoj godini, dodati a, b, c... iza godine [npr. 2002b]

Referenca za knjigu:

Prezime, Ime godina publikacije, *Naslov*, Izdavač, Mjesto izdavanja. [npr. Filipović, Muhamed 2005, Metodologija znanosti i znanstvenog rada, Svjetlost, Sarajevo.]

Referenca za pojedini rad u zborniku sa više izdavača:

Prezime, Ime godina publikacije, "Naslov", u Prezime, Ime i Prezime, Ime (izdavači), *Naslov*, Izdavač, Mjesto izdavanja, brojevi stranica. [npr. Larsen, Henrik 2004, "Discourse Analysis in the Study of European Foreign Policy", u Tonra, Ben i Christiansen, Thomas (izdavači), *Rethinking European Union Foreign Policy*, Manchester University Press, Manchester/New York, str.62-80.]

Referenca za pojedini rad u časopisu:

Prezime, Ime godina publikacije, "Naslov", *Ime časopisa*, broj i godina izdanja, brojevi stranica. [npr. Krasner, Stephen D. 1996, "Compromising Westphalia", *International Security*, Vol. 20, No. 3, str. 115-151.]

Referenca za stranicu sa interneta:

Prezime, Ime ili Izdavač [event. godina publikacije], *Naslov*, ili *naziv stranice*, [event. Izdavač, Mjesto izdavanja], datum pristupa stranici, web-adresa stranice <<http://...>>.

[npr. Europska Unija 2004, Eurobarometer 61 [datum pristupa: 28.02.08], <http://ec.europa.eu/public_opinion/archives/eb/eb61/eb61_en.pdf>.]

Broj: /11

Rektor, prof. dr Rasim Dacić

Datum: 28.03.2011.